



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA

KABINET PREDSJEDNIKA I POTPREDSJEDNIKA

Broj: 01-4-02-2-342/2020

Sarajevo, 20.02.2020. godine

N/p - Direktora

PREDMET: Posjeta poslovne delegacije Bosne i Hercegovine Kraljevini Saudijskoj Arabiji i održavanje 2. sjednice Poslovnog vijeća BiH-KSA (Rijad, Saudijska Arabija, 15-16.04.2020. godine)

Poštovani direktore,

Vanjskotrgovinska/Spoljnotrgovinska komora Bosne i Hercegovine, u suradnji sa Vijećem Saudijskih komora i Poslovnim vijećem BiH-KSA organizira poslovnu posjetu bh. privrednika Saudijskoj Arabiji koja će se realizirati od 14. do 17.04. 2020. godine u Rijadu. Prvog dana u prostorijama Vijeća Saudijskih komora će biti organiziran Poslovni forum uz održavanje B2B susreta privrednika dvije zemlje. Drugog dana će se održati 2. sjednica Poslovnog vijeća BiH-KSA, kao i posjete institucijama, poslovnim zonama, pojedinačnim firmama u skladu sa interesom članova bh. privredne delegacije.

Imajući u vidu značaj tržišta Kraljevine Saudijske Arabije, kao i činjenicu da je zemlja ušla u proces diverzifikacije i jačanja naftnih sektora, cijenimo da ova posjeta predstavlja iznimnu priliku za upoznavanje sa tržištem ove zemlje, kao i mogućnost za uspostavljanje novih kontakata i jačanje privredne suradnje.

Cilj održavanja Poslovnog Forumu i 2. sjednice Poslovnog vijeća BiH-KSA je uspostava suradnje u sljedeće tri domene:

- Unapređenje izvoza bh. kompanija na tržištu Saudijske Arabije;
- Aranžmani vezani za prenos know-how tehnologije kompanijama u Saudijskoj Arabiji;
- Predstavljanje investicijskih projekata za koje bh. kompanije traže investitore.

Uzimajući u obzir vanjskotrgovinsku razmjenu između BiH i Saudijske Arabije, kao i potrebe saudijskog tržišta, u bh. delegaciji će sudjelovati predstavnici kompanija iz sljedećih sektora: namjenska, metaloprerađivačka i elektro industrija, prehrambena industrija, namještaj, inženjering usluge i energetika, farmacija, IT i turizam.

Troškove viza, putovanja i smještaja snose kompanije-učesnice u privrednoj delegaciji.

Pozivamo sve zainteresirane kompanije iz navedenih sektora da uzmu učešće u ovoj privrednoj delegaciji, te da popunjenu priloženu prijavu, zajedno sa kopijom pasoša predstavnika kompanije, dostave najkasnije do petka, 28.02.2020. godine na email: enes.aliskovic@komorabih.ba ili faks: 033 566 239. Kontakt osoba je Enes Ališković (tel: 033 566 230).

Također, ukoliko tražite partnere za prenos know-how i zajedničko ulaganje u Saudijskoj Arabiji ili partnere za investicijski projekt u Bosni i Hercegovini, uz prijavu dostavite i kratku informaciju o navedenim projektima.

Uz nadu da ćete pronaći interes za učešće, srdačno Vas pozdravljam.

S poštovanjem,



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
<http://www.komorabih.ba>